

文苑英華卷第一百五十一

詩一

天部一



日十六首

月二十一首

中秋月十九首

翫月四首



對月四首

日

詠朝日

梁簡文帝

團團出天外煜煜上層峯光隨浪高下影逐樹輕濃

日

梁李鏡遠

始臨東岳觀俄升若木枝萍實詎儔彩合扇且慙規北林  
耿初耀員窓墜早曦照庭餘雪盡映簷滴溜垂徘徊匝花

樹煜燭滿春池柳陰纔歷歷類聚作簾一作影復離離

泉淮南子日至曾泉是謂早食豈停舍桑榆忽在斯廻戈安得中長繩

不可羈冲情愛景落清晏宴惜光馳温暉徒已荷深心竊自

知

詠日應令

梁劉孝綽

弭節馳暘谷照檻出扶桑園葵一何幸傾葉奉離光

日華

陳徐陵

朝暉爛曲池夕照滿西陂復有當晝景江上鑠光儀時從

高浪散乍逐細波移一在雕梁上詎比扶桑枝

詠日應趙王教

隋康孟

金烏升曉氣玉檻漾晨曦先汎扶桑海返照若華見淮池

洛浦全開鏡衡山半隱規相勸承愛景其惜寸陰移

賦秋日懸清光賜房玄齡

唐太宗皇帝

秋露凝高掌朝光上翠微參差麗雙闕照耀滿重闈仙馭

隨輪轉靈鳥帶影飛臨波無定彩入隙有圓一作暉還當

葵藿志傾葉自相依

賦得白日半西山

前人

紅輪不暫駐鳥飛豈復停岑霞漸漸落溪陰寸寸生藿葉

隨光轉葵心逐照傾晚煙含樹色棲鳥雜流聲

詠日午奉和

虞世南

高天淨秋色長漢轉曦車玉樹陰初正桐圭影未斜翠蓋

飛圓影明鏡發輕花再中良表瑞共仰璧暉賒

同前

褚亮

曦車日停午浮箭未移暉日光無落照樹影正中園草萎  
看稍靡葉燥望疑初學記稀晝寢慙經筭暫解入朝衣

日

董思恭

滄海十枝暉山海經扶桑九日居下枝一日居上枝或作滄波十丈暉非玄圃重輪慶

舜華發晨檻菱彩翻朝鏡忽遇驚風飄自有浮雲映更也

人皆仰無待揮戈正

詠日

李嶠

旦出扶桑路遙升岩木枝雲間五色滿霞際九光披東陸

蒼龍駕南郊赤羽馳傾心比葵藿朝夕奉堯曦

秋日

王昌齡文粹作

反照入閭文粹巷憂一作來與誰語古道無詩選人行秋

風動禾黍

同前

耿緯唐書作

照耀天山外飛鷗幾共過微紅拂秋漢片白透長波影促

寒汀薄光殘古木多金霞與雲氣散漫復相和

登天壇夜見海日

李益

朝遊碧峰三十六夜上天壇月邊宿仙人携我舉玉英壇

上夜半東方明仙鍾撞撞迎集作海日海中離離三山出

霞梯赤城遙可分霓旌絳節倚彤雲八鸞玉鳳紛在御王

母欲上朝元君群仙指此集作為我說幾見塵飛滄海竭

竦身別我期再宮空山處處遺清風九州下視杳未旦一

半浮生皆夢中始知武皇求不死去逐瀛洲羨門子

負冬日

白居易

杲杲東

集作冬

日出照我屋南隅負暄閉目坐和風

集作生氣

肌膚初似飲醇醪又如蟄者蘇外融百骸暢中適一念無曠然忘所在心與虛空俱

夕陽

鄭谷

夕陽秋更好歛歛

集作歛歛

蕙蘭中極浦明殘雨長天急遠鴻

僧窓留半榻漁舸透疎蓬莫恨清光盡寒蟾即照空

月

詠月

文選作秋月

梁沈約

月華臨靜夜夜靜滅氛埃方暉竟入戶

文選作戶入

圓影隙中

乘高樓切思婦西園遊上才網軒映珠綴應門照綠苔洞

房殊未曉清光信悠哉

詠月篇

類聚作望秋月

前人

望秋月秋月光如練照耀三爵臺徘徊九華殿九華瑋瑋

梁華棖與壁璫以茲雕麗色持照明月光凝華入黼帳清

暉懸洞房先過飛鷺戶却映班姬床桂宮裊裊落桂枝露

寒淒淒凝白露上林曉葉颯颯鳴鴈門早鴻離離度堪秀

質兮似規委清光兮如素照愁軒之蓬髮映金階之輕步

居人臨此笑以歌別客對之傷旦暮輕襄

類聚作囊

圍映寒叢

凝清夜帶秋風隨庭雪以階素與池荷而共紅臨玉墀之

皎皎含霜靄之濛濛輔天衢而從度轢長漢而飛空隱崑

崖之半出類聚作隔類聚帟幌而繞通散朱庭之奕奕入  
責瑣而玲瓏寒階悲寡鵠沙洲怨別鴻昭姬泣胡殿明君  
思漢宮余亦何為者淹留此山東

月

董思恭

北堂未安寢西園聊聘望玉戶照羅帟珠軒明綺幃別客  
長安道思婦高樓上所願君莫遺初學記清風時可訪

月集作說

沈佺期見駱賓

忌滿光恒集作缺乘昏影暫集作流既集作能明似鏡何

用曲如鈎

秋月

駱賓王一本有

雲披玉繩淨桂滿鏡光圓集作月滿裏露朱花集作冷凌

猶紈扇集作寒漏彩含踈薄浮波漾急瀾西園徒自賞南

飛終未安

月前

李嶠

桂生一作三五夕冀開一作二分時分輝度鵲鏡一作清

鑑流彩入蛾眉一作新影皎潔凌一作踈牖朦一作朧鑿

薄帷願陪北堂宴長賦西園詩一作願言從愛客清夜幸

同前二首

杜甫

天上秋期近人間月影清入河蟾不沒擣藥兔長生只益  
丹心苦能添白髮明干戈知滿地休照國西營

二

四更山吐月殘夜水明樓塵匣元開鏡風簾自上鈎兔應

疑鶴髮蟾亦戀貂裘斟酌姮娥寡天寒柰九秋

新月

前人一本有  
此篇

光細弦豈集上

欲

上影斜輪未安微升古堞

集作

外已隱暮

雲端河漢不改色關山空自寒庭前有白露暗滿菊花欄

集作

初月

李白

玉蟾離海上白露濕花時雲岬風生瓜沙頭水浸眉樂哉

絃管客愁殺戰征兇因絕

疑

西園賞臨風一詠詩

水月

僧皎然

夜夜池上觀禪身坐月邊虛無色可取皎潔意難傳若向

空心了長如影正圓

月

一字至  
七字

張南史

月暫盈還缺上虛空生溟渤散彩無際移輪不歇桂殿入

西秦菱歌映南越正看雲霧秋卷莫待關山曉沒天涯地

角不可尋清光永夜何超忽

秋月

白居易

萬里清光不可思

一作  
私

添愁足

一作  
益

恨遠天涯誰人隴外

久征戍何處庭

亭一作  
庭

前新別離失寵故姬歸院夜沒蕃老

將上樓時照他幾許人腸斷玉兔金蟾一作  
銀蟾遠不知

此詩本卷中秋月門重出今已削去注異同為一作

同前

李商隱

池上與橋邊

一作樓上  
與池邊

難忘復可憐簾開最明夜篔簹卷已

涼天流處水花急吐時雲葉鮮姮娥無粉黛只是逞集作  
嬋娟

同前

方干

涼霄煙靄外三五玉蟾秋列野星辰正當空鬼魅愁泉澄  
寒魄瑩露滴冷光浮未折青青桂吟看不忍休

月

前人

桂輪秋半出東方巢鵲驚飛夜未央海上風雲搖皓影空  
中露氣濕流光斜臨戶牖通宵燭迴照階墀到曉霜更亮  
恃才高更逸方聞墨翰已成章

初月

李群玉

艷艷集作流光淺娟娟泛霧集作輕雲間龍瓜落簾上玉

鈞明桂影枝猶小仙人影未成欲爲千里別倚幌獨含情

月

羅隱

湖上風高動白蘋暫延清景此逡巡隔年爲別因集作何

事半夜相逢集作似故人集作向靜中矜瓜瓠兔俛集作明

處弄精神姮娥老大應惆悵獨倚集作蒼蒼桂一輪

月

曹松

寥寥天地外夜魄爽何輕頻見此輪滿即應華髮生不圓  
爭得破纜正又須傾人事還如此一作因知倚伏情

秋霽豐得寺與玄真師詠月

唐彥謙

露冷風輕霽魄圓高樓更在碧山巔四溟水合疑無地八  
月槎通好上天黯黯晨星環紫極喧喧朝市蔽蒼煙夜深

獨與巖僧語群動消聲舉世眠

月雜詠作中秋夜詠月

前人

一上雜詠作夜高樓萬景竒碧天無際水無涯空雜詠作只留皎月

當層漢並送浮雲出四維霧盡雜詠作靜不容玄豹隱冰生祗

雜詠作唯恐夏蟲疑坐來離思憂生晚雜詠作將曉爭得姮娥子細

知

中秋月

賀崔中丞中秋月

張南史

秋夜月偏明西樓獨有情千家看露濕萬里覺天清映水  
金波動銜山桂樹生不知飛鵲意何用此時驚

中秋夜與諸公錦樓望月得中字武元衡

玉輪初滿空迥出錦城東相向秦樓鏡分飛碣石鴻柱香

隨窈窕珠綴隔玲瓏不及前秋見圓光集作輝鳳沼中

酬劉集作裴端公中秋夜對月見懷權得興

涼夜清秋半空庭皓月圓動搖隨積水皎潔滿晴天多病

佳期阻深情麗曲傳偏懷賞心處同望庾樓前

中秋夜臨鏡湖望月陳羽

鏡裏秋霄望湖雜詠作潮平月彩深圓光一作明珠入浦浮照鵲

驚林澹動光還翠嬋娟影不沉遠時生岸曲空處落波心

迥徹輪初滿孤明魄未侵桂枝如可折何惜夜登臨

八月十五夜詠月劉禹錫

天將今夜月一遍洗寰瀛暑退九霄淨秋澄萬景清星辰



讓光彩風露發晶英能變人間世儵然是玉京

和中書崔舍人八月十五日夜翫月二十韻

前人

暮景中秋爽陰靈既望圓騰精浮碧海分照接虞泉或作淵疑

謂迴見孤輪出高從倚蓋旋二儀含皎潔集作澈萬象共澄

鮮整御當西陸舒光麗上玄從星變風雨順日助陶甄遠

近同時望晶瑩此夜偏運行調玉燭潔白應金天曲沼疑

瑤鏡通衢若象筵逢人盡灑冰雪遇景即神仙引素吞銀漢

疑清洗綠煙臯禽驚露下隣杵思風前水是還珠浦山成

種玉田劍沉三尺影燈罷以九枝燃象外形無跡窠中影有

雜詠作自遷稍當雲闕正未映以斗城懸靜對揮宸翰閑臨鑿影

巖境同牛渚上宿在鳳池邊興掩尋安道詞勝命仲宣從

今紙貴後不復詠陳篇

八月十五日夜湓亭望月 白居易

昔年八月十五夜曲江池畔杏園邊今年八月十五夜湓

浦沙頭水館前西北望鄉何處是東南見月幾迴圓臨風

一嘆無人會今夜清光似往年

答夢得八月十五夜翫月見寄 前人一本有此篇

南國碧雲客東京白首翁松江初上月伊水正無風遠思

兩鄉斷清光千里同不知娃館上何以疑作石樓中其夜在龍

門石樓中望月

八月十五夜禁中獨直對月寄集作憶元九 前人

銀臺金闕夕沉沉獨宿相思在翰林三五夜中新月色二  
千里外故人心渚宮東面煙波冷浴殿西頭鐘漏深猶恐  
清光不同見江陵卑濕足秋陰

中秋月

釋無可見雜  
詠

蟾宜天地靜三五對階蓂照耀超諸夜光芒掩衆星影寒  
池更澈露冷樹稍青枉值中秋半長乖宿洞庭

同前

劉得仁

塵裏兼塵外皆期此夜明一年唯一夕雜詠  
作度長恐有雲生  
露洗微埃盡光濡是物清朗吟看正好惆悵又西傾

同前

李頻

陰盛此宵中多爲雨與風坐無風雨至看與雜詠  
共看雪霜同

抱濕離遙海傾寒向遠雜詠  
作迥空年年不可值還似近

同前

李洞見雜  
詠

四十五秋宵月分千里毫冷沉中嶽短光溢大河高不寐  
清人眼移棲濕鶴毛露華臺上別愁望一年勞

同前

馬戴見雜  
詠

陰魄出海上望之增苦吟冷搜驪領重寒徹蚌胎深浩氣  
籠諸夏清光射萬岑悠然天地內皎潔一般心

中秋越臺看月

李群玉

海雨洗塵埃月從空碧來水光籠草樹練影掛樓臺皓耀  
迷鯨目晶瑩失蚌胎宵分凭欄望應合見蓬萊

中秋月

張祐

碧落桂含姿，清秋是素期。一年逢好夜，萬里見明時。絕域行應久，高城下更遲。人間繁情事，何處不相思。

同前

釋棲白 見高僧詩

尋常三五夜，一作夕豈不一作是不嬋娟。及到中秋半，一作至中秋及

滿還勝別夜。圓清光凝雜詠作光凝有露皓色爽雜詠作皓色更

一作爽無煙自古長如此。雜詠作人皆翫年來復雜詠作

微更又一年

同前

司空圖

閑吟清景外，萬事覺悠悠。此際雜詠作夜若無月，一年空雜詠作虛

過秋

同前

裴說 見雜詠

一歲幾盈虧，當盈重此期。幸無偏照處，剛有不明時。色淨

雲歸早，光寒鶴睡遲。相看吟未足，皎皎下疎籬。

翫月

同從弟銷南齋翫月憶山陰崔少府 王昌齡

高卧南齋時，開帳月初吐。清輝極木隙，演漾在窻戶。苒苒

幾盈虛，澄澄變今古。美人清江畔，是夜越吟苦。千里其何

如微風吹芳杜

裴廸書齋翫月

錢起

夜來詩酒興，集作月上謝公樓影閉。重門靜寒生，獨

樹秋鶻驚。隨葉散螢遠，入煙流。今夕遙天末，清輝集作幾

處愁

西掖翫月

令狐舍人說昨夜西掖翫月裁贈

李商隱

昨夜玉輪明傳開近太清涼波衝碧瓦曉暈落金莖露索秦宮井風絃漢殿筆幾時綿竹頌擬薦子虛名

泛江翫月十二韻

并序

元稹

余以元和五年自監察御史貶授江陵士曹掾六月十四日張季友李景儉二侍御王文仲司錄王衆仲判官兩昆季為餘載酒炙選聲音自府城之南橋乘月泛舟窮一夕予因賦詩以記之

楚色分形勢羊公壓大邦因依多士子參畫盡敦龐岳壁閑相對苟龍自有雙共將舡載酒同泛月臨江遠樹懸金鏡深潭倒玉幢委波添淨練洞照滅凝紅闥咽沙頭市冷瓏竹岸聽巴童唱巫峽海客話神瀧已困連飛盞猶催未到缸飲荒情爛熳風棹樂瑋樅勝事他年憶愁心此夜隆知君皆逸韻須為應筵撞

對月

與盧明府別後南湖對月

僧皎然

五集作南非湖生夜月千里滿寒流曠望煙霞盡凄清天地秋相思路渺渺獨望水悠悠何處空江裏嬋娟伴客舟

廣陵秋夜對月即事

陳羽

霜落寒空上月樓月中飲疑作吹唱滿揚州相看醉舞倡樓月不覺隋家陵樹秋

對月二首

張喬

盈缺青冥外東風萬古吹何人種丹桂不長出輪枝

二

圓魄上寒空皆言四海同安知千里外不有雨兼風

三月二十三日校終卷訂正八十三字藏園老人

文苑英華卷第一百五十一

詩二

天部二

文苑英華卷第一百五十二

望月二十六首

雜題月三十五首

星十首

望月

望江中月

梁簡文帝一作梁孝元帝

澄江涵月影類聚作皓月 水影若浮天風來如可汎流急不成

圓秦鏡斷復接和璧碎還聯裂紈依岸草斜桂逐行舡即

此清江上無俟百枝然

望月

前人

流輝入畫堂初照上梅梁形同七子鏡影類九秋霜桂花

那不落團扇與誰粧空聞北窓彈未舉西園觴

舟中望月

梁朱超 見初學記

大江濶千里孤舟無四鄰唯餘故樓月遠近必隨人入風  
先繞暈排霧急移輪若教長似扇堪拂艷歌塵

望月

庾肩吾

桂殿月偏來留光引上才圓隨漢東蚌暈逐淮南  
灰渡河光不濕移輪澈詎開此夜臨清景還承終宴杯

和徐主簿望月

前人

樓上徘徊月窓中愁思人照雪光偏冷臨花色轉春星流  
時入暈桂長欲侵輪願以重光曲承君歌扇塵

望月愁

蕭子範

漢河東西陰清光此夜出入帳華珠被斜筵照寶瑟  
庭上蘭風鳴簷下橘獨見傷心者孤燈坐幽室

望月有所思

劉孝綽

秋月始纖纖微光垂出 類聚作步 簷腫朧入牀  
簾螢隱光息簾蟲映光纖玉羊東北上金虎西南曷長門  
隔清夜高堂夢容色如何當此時懷情向 類聚作蒲 胃臆

江上望月

鮑泉

客行鈎始懸此夜月將弦川澄光尚動流駛影難圓蒼蒼  
隨遠色漾漾 類聚作瀆瀆 逐漪漣無因轉還帆  
回首眷吾 類聚作前

賢

舟中望月二首

隋庾信

舟子夜離家開舫望月華山明疑有雪岸白不關沙天漢  
看珠蚌星橋視桂花灰飛重暈闕萸落獨輪斜

夜光流未曙金波影上疑作尚賒照人非七子含風異九華

萸新半壁疑作壁上桂蒲獨輪斜乘舟聊可望無假逐靈槎

遼城望月 唐太宗

玄兔月初明澄輝照遼碣映雲光漸隱隔樹花如綴魄蒲  
桂枝圓輪虧鏡彩缺臨城却影散帶暈重圍結駐蹕俯  
都佇觀妖氛滅

卧痾喜霽開扇望月簡宮內知友 庾抱

秋雨移弦望疲痾倦苦辛忽對荆山壁委照越吟人高高  
侵地鏡皎皎徹天津色麗班姬篋光潤洛川神輪輝池上  
動桂影隙中新懷賢雖不見或似暫參春疑作辰

江中望月 盧照鄰

江水向涪陽澄澄寫月光鏡圓珠溜澈弦蒲箭波長沉鈞  
搖兔影浮桂動舟芳延照相思夕千里共霑裳

秋山望月酬李騎曹 李嶠

愁客坐山隈懷抱自悠哉疑作况沉復高秋夕明明正徘徊亭亭  
出迥岫皎皎映層臺色帶銀河蒲光含玉露開白雲籠影  
度虛暈抱輪迴谷邃涼陰靜山空夜響哀寒催數鴈急風  
送一螢來獨軫離君恨遙想故人盃

和康五望月有懷 杜審言

明月高秋迥愁人獨夜看暫將弓並曲翻與扇俱團霧濯  
清輝苦風飄素影寒羅衣一此鑿類使別情集作難

和洛州司士康士曹庭芝望月有懷 沈佺期

天使下西樓光含萬象集作秋臺前疑掛鏡簾集作外似

懸鈎張尹將眉學班姬取扇倚佳期應借問為報在南集作

刀頭

秋夜望月 姚元宗

明月有餘鑿羈人殊未安桂寒秋樹晚波入夜池寒灼灼

雲枝淨光光草露團所由迷所在長望獨長歡歡

望月 張九齡

清迥江城月流光萬里同所思如夢裏相望在庭中皎潔

青苔露蕭條黃葉風含情不得語頻使桂華空

望月懷遠 前人

海上生明月天涯共此時人情怨遙夜竟夕起相思滅燭

憐光蒲披衣覺露滋不堪盈手贈還寢夢佳期

雨後望月 李白一本有此篇

四郊陰靄散開戶半蟾生萬里舒霜合一條江練橫出時

山眼白高後海心明為惜如團扇長吟到五更

南樓望月 釋皎然一本有此篇

夜月家家望亭亭愛此樓纖雲溪上斷踈柳影中秋漸映

千峯出遙分萬派流關山誰復見應獨起邊愁

龍池寺望月寄韋使君闕別駕集作闕別駕司空曙



清光此夜中萬古望應同當野山沉霧低城樹有風花宮  
粉共遂水府皓相空遙想高樓上唯君對庾公

登樓望月寄鳳翔李少尹 戴叔倫

陌上涼風槐葉凋夕陽清露濕寒條登樓望月楚山迥月  
到南樓山獨遙心送情人趨鳳闕目隨陽鴈極煙霄軒轅  
不重無名客此地還能訪寂寥

西樓望月 一作登城望月 張籍

城西樓上月復是雪晴時寒食 集作夜 共來望思鄉獨下遲  
幽光落水慳淨色在霜枝明日千里去北中還別離

望關山月 此詩見一百九十八卷 陳陶

海昌望月 前人 一本有此篇

何處無人夕豈期在海頭賈客不愛月嬋娟閑滄洲浩然  
傷歲華獨望湖邊樓煙鳥青歷歷藍田白悠悠誰無破鏡  
期繫我信虛舟誰無桂枝念繫我方摧斬始見彎環春又  
逢團圓秋莫厭綾扇夕百年多銀鈎金盤誰雕鏤玉窟難  
寫 疑作冥 搜重輪運時節三五不自由疑拋雲上鍋欲樓 疑

天邊毳婦居應寒冷擣藥青冥愁兔于樹下蹲蝦蟆池中  
游如何名金波不共水東流天花辟臙腥野雲無邊陬蚌  
蛤乘大運含珠相對疇夜鵲思南鄉露華清東甌百寶安  
可覩老龍鑱深湫究究 詩自我人究究 如情人盜者即仇讐海涯

上皎潔九門更清幽亭亭勸金蹲 疑 夜久喘具牛夷俗皆  
輕擲北山思金 疑 遊鴈聲故鄉來客淚墮南州平生煙霞

志讀書覓封侯四海尚白身豈無故鄉羞塚坎何足歎壯  
如水中虬獵獵谷底蘭搖搖波上鷗中逾疑喪資斧兩地  
生繁憂一杯太陰君鷓鴣豈無求明日將片葉三山東南  
浮

雜題月

視月

梁虞騫

清夜未云疲類聚簾聊可發冷冷玉殿外映見蛾眉月

靡靡露方垂暉暉光稍沒佳人復千里餘影徒揮忽

縣中庭看月

劉瑗

移榻坐庭陰初茲時復臨侍兒能勸酒貴客解彈琴  
生髮內桃花出髻心月光移數尺方知夜已深

林下月影

集本類聚  
並作映月

劉孝綽

明明三五夜集作垂影當高樹攢柯伴玉蟾衰葉映集本類聚

並作彰金兔茲林有夜坐嘯歌無與晤側光聊可書含毫且

成賦

關山月

此詩見一  
百九十卷

周王褒

詠月贈人

前人一本有此篇

月色當秋夜斜暉映薄帷上弦如半璧初魄似蛾眉渡雲  
光忽駛中天影更遲高陽懷許掾對此憶相思

薄帷鑒明月

陳張正見

長河上月桂澄彩照高樓分簾凝碎璧隔幔侶垂鈎窓外  
光恒蒲帷中影暫流豈及西園夜長隨飛蓋遊

賦得三五明月夜

江惣

三五兔輝成浮陰冷復輕隻輪悲類聚作非戰反團扇少歌聲  
雲前來往色水上動搖明况復高樓照何嗟攬不盈

明月引

盧照鄰

筮仕無中秩歸耕有外臣人歌小歲酒花舞大唐春草色  
迷三徑風光動四鄰願得長如此年年物候新

朗月行

張漸

朗月照簾晃清夜有餘姿洞房怨孤枕挾瑟愛前墀萱草  
已數葉梨花復遍枝去歲草始榮與君新相知今年花未  
落誰分生別離代情難重論人事好乖移合比月華蒲分  
同月易虧虧月當再圓人別星隕天吾欲竟此曲意深不  
可傳歎息孤鸞鳥傷心明鏡前

月下獨酌

此詩見一百九十五卷

李白

金陵城西樓月下吟

前人

金陵夜寂涼風發獨上西樓望吳越白雲映水搖秋光集作  
空白露如珠滴集作垂秋月月下長吟久不歸古今相接  
眼中稀解道澄江淨如練令人却憶謝玄暉

把酒問月

前人

青天有月來幾時我今停杯一問之人攀明月不可得月  
行却與人相隨皎如飛鏡臨丹闕綠煙滅後集作青輝發  
但見宵從海上來寧知曉向雲間没白兔搗藥秋復春姮  
娥孤棲與誰隣今人不見古時月今月曾經照古人古人

今人若流水共看明月皆如此集作願當歌對清酒集作  
時酒月光長照金罇裏

月宮詞

楊巨源

宮中月明何所似如積如流蒲田地迴過前殿曾學眉迴  
照長門慣催淚昭陽昨夜秋風來綺閣金鋪情疑影開藻  
井浮花共陵亂玉階零露相徘徊稍映明河泛仙馭蒲窻  
猶在更衣處管弦法迴燭無限情環佩憑欄不能去皎皎蒼  
蒼千里同穿煙飄葉九門通珠簾欲卷畏成水瑤席初陳  
驚似空復值君王事歡宴宮女三千一時見飛蓋愁看素  
暈低稱觴願踏清輝遍江上無雲夜可憐冒沙披浪自蟬  
娟若共心賞風流夜那此高高太液前

溪上月

僧皎然

秋水月娟娟初生色界天蟾光散浦淑素景動淪漣何事  
無心見虧盈向夜禪

月夜泛舟

僧法振

西塞長雲盡南湖片月斜漾舟人不見卧高僧詩入武陵  
花作悞

剡山夜月六言

朱放

月在沃州山上人歸剡縣溪邊漠漠黃花覆水時時白鷺  
驚舡

秋庭夜月有懷

李澄之

游客三江外單樓百慮違山川憶處近形影夢中歸夜月

明虛帳秋風入擣衣從來不慣別况屬鴈南飛

和元郎中從八月十一至十五夜翫月五首

王建

半秋初入中旬夜已向塔前守月明從未圓時看却好一分一見傍輪生

二

亂雲遮却臺東月不許教依次第看莫為詩家先見境被他籠與作艱難

三

今夜月明勝昨夜新添桂樹近東枝立多地濕昇床坐看過墻西寸寸遲

四

月似圓來色漸疑玉盆生水欲侵稜夜深盡放家人睡雜詠作佳人醉直到天明不炷燈

五

合望月時長望月分明不得似今年仰頭五夜風中立從未圓時看到圓一作從未團圓直到圓

月夜寄微之憶樂天

劉禹錫

今宵帝城月一望雪相似遙想洛陽城清光正如此知君當此夕亦望臨集作鏡湖水展轉相憶心明月集作月明千萬里

江樓望月

白居易

嘉隣江曲曲江池明月誰同人別離一宵光景潛相憶兩

地陰晴遠不知誰料江邊懷我意正當池畔望君時今朝  
共語方同悔不解多情先寄詩

山中問月

前人

為問長安月誰教不暫離集作相思必切離昔隨飛蓋處今照入

山時借助秋懷曠留連夜卧遲如歸舊鄉國似對好親知  
松下行為伴谿頭坐有期千崑將萬壑無處不相隨

寒食夜月

前人

風香露重梨花濕草舍無煙集作燈愁未入南鄰十井集作里

歌吹時獨倚柴門月中立

宿藍橋題月

前人

昨夜鳳池頭今夜藍一作溪橋口明月本無心行人自回首

新秋松影下半夜鍾聲後清影不宜昏聊將茶代酒

宿陽城驛題月

前人

親故尋回駕妻孥未出關鳳凰池上月送我過南山

對琴待月

前人

竹院新晴夜松牕未卧時共琴為老伴與月有愁期玉軫  
臨風久金波出霧遲幽音待清景惟是集作我好心知

西樓月

前人

悄悄復悄悄城隅隱林杪山郭燈火稀峽天星漢少年光  
東流水生計南枝鳥月没江沉沉西樓殊未曉

禁中月

前人

海上明月出禁中秋夜長東南樓殿白稍稍上宮墻淨落

金盤水明浮玉砌霜不比人間見塵土汗清光

客中月

前人一本有此篇

客從江南來來時月上弦悠悠行旅中三見清光圓曉隨  
殘月行夕與新月宿誰謂月無情千里遠相逐朝發渭水  
流暮入長安陌不知今夜月又作誰家客

客中月

于武陵

離家凡幾宵一望一寂寥新魄又將蒲故鄉應漸遙猶臨  
彭蠡水遠憶洛陽橋更有乘舟客悽然亦駐橈

霜月

李商隱

初聞征鴈已無蟬百尺樓臺水接天青女素娥俱耐冷月  
中霜裏鬪嬋娟

月夕

前人一本有此篇

草下陰蟲葉下集作上霜朱欄迢遞壓湖光兔寒蟾冷桂花

白此夜姮娥應斷腸

星

月夜觀星

隋煬帝

團團素月淨脩脩夕景清谷泉驚暗石松風動夜聲披衣  
出荆戶躡履步山楹欣覩明堂亮喜見太階平甯參猶可  
識牛女初學記作女牛尚分明更移斗柄轉夜久天河橫徘徊不  
能寐參差幾種情

奉和御製月夜觀星示百僚

諸葛穎

竚窅神居遠蕭條更漏深薄煙淨遙色高樹宿清陰星月

蒲茲夜粲爛還相臨連珠欲東上團扇漸西沉澄水含斜  
漢脩樹隱橫參時聞送籌折屢見繞枝禽聖情寄餘事振  
玉復鳴金

同前

袁慶

六龍初匿影顧兔始馳光戒井文選刻漏銘  
微宮戒井傳宵漏山庭

引夕涼宸居多勝託閑步出琳堂爛爛星芒動耿耿清河

長清初學記  
作情道移天駟北極轉文昌喬枝猶隱畢絕嶺半

侵張仰觀留玉裕文選陸士衡宣猷  
堂詩天八安玉裕睿作動金相無庸徒

扣寂何以繼連章

同前

蕭琮

陽精去南陸火疑作耀如西流夕風淒謝暑夜氣應新秋

重門月已映嚴城漏漸脩臨風出累榭度月蔽層樓靈河

隔神女仙轡動星牛玉衡指棟落瑤光對幌留徒知仰閭

闔乘槎未有由

同前 應令

虞世南

旦秋炎景暮初弦月彩新清風滌暑氣文露淨囂塵藹霧

銷輕縠鮮雲卷夕鱗休光灼前耀瑞彩接重輪緣情摘聖

藻並作命徐陳宿草誠渝溢吹噓偶縉紳天文豈易述徒

知仰北辰

星名

辛德源

邊侵昏高柳燿火照離宮明堂發三令鈎陳集五戎素羽

麾全月牛疑旗引半虹虎落驚氛斂龍城宿霧通繫疑作



鍾張大樂置酒宴群公關山無復阻車書方大同

詠星

董思恭

歷歷東井舍昭昭右掖垣雲際龍文出池中鳥色翻流輝  
下月露墜影入河源方知潁川集別有太丘門

同前

李嶠

蜀郡靈槎轉豐城寶劍集作氣新將軍臨北塞天子入西秦  
未作三台輔寧為五老臣今宵潁川曲誰識聚賢人

江邊星月二首

杜甫

驟雨清秋夜金波耿玉繩天河元自白江浦向來澄映物  
連珠斷綠空一鏡昇餘光隱更漏况乃露華凝

二

江月辭風檻

集作纜

江星別霧船鷄鳴還曙色鷺浴自清川

歷歷竟誰種悠悠何處圓客愁殊未已他夕始相鮮

此卷校正九十七字

三月廿三日汴州

文苑英華卷第一百五十二

文苑英華卷第一百五十三

詩三

天部三

雨十七首

喜雨九首

對雨十二首

苦雨九首

雜題雨三十首

雨

詠細雨

梁孝元帝

風輕不動葉雨細未霑衣入樓如霧上拂馬似塵飛

詠雨

唐太宗

和風吹綠野梅雨洒芳田新流添舊澗宿露足朝煙鴈濕  
行無次花霑色更鮮對此忻登歲披襟弄五絃

雨

李嶠

西北雲膚起東南雨足來靈童出海見神女向山廻斜影  
風前合圓文來水上開十旬無破塊九土信康哉

微雨

僧皎然見高僧詩

片雨拂簷楹煩襟四座清霏微過麥隴洒一作蕭散傍裝城  
靜愛和花藥幽聞入竹聲朝觀趣無盡高詠寄閑情

山雨雜言

前人

一片雨半山晴長風吹落西山下蒲樹蕭蕭心耳清雲鶴  
驚亂下水香凝不然風廻雨定芭蕉濕一滴時時入畫禪

雨

孟郊

朝見一片雲暮成千里雨淒清濕高枝散漫霑荒土

陰雨二首

白居易

潤葉濡枝浹四方濃雲來去勢何長曠然寰宇清風滿  
早功高暑氣涼

二一李有此篇

嵐霧今朝重江山此地深灘聲秋更急峽氣曉多陰望闕  
雲遮眼思鄉淚集作雨滴心將何慰幽獨賴此北窓琴

雨

杜牧

連雲接塞添迢迢洒幕侵燈送寂寥一夜不眠孤客耳主  
人窓外有芭蕉

細雨二首

温庭筠

細雨濛濛入絳紗澧湖寒食孟殊家南朝漫自稱流品宮

體何曾爲杏花

二一本有此篇

憑軒望秋雨涼入暑衣清極目鳥類沒片時雲復輕沼萍  
開更斂山葉動還鳴楚客秋江上蕭蕭故國情

秋雨 一本有此篇

前人

雲雨疑鳥行滅池涼龍氣腥斜飄看碁簞踈酒望山亭細  
響鳴林葉圓文破沼萍秋陰杳無際平野但冥冥

春雨

茅逕集作

薛能

電濶疑照潏潏驚流往復還遠聲如有洞迷色似巫集作

山利物乾坤內并風竹樹間靜思來朔漢愁望滿柴關迸

濕消塵慮吹風觸病顏誰知草茅逕集作沾此尚虛閑

夏雨

前人

何處發天涯風雷一道賒去聲隨地急殘勢傍樓斜透樹  
重紅葉沾塵帶落花瀟湘無限思閑看兼下簾葭

雨

韓琮

陰雲拂地散絲輕長得爲霖濟物名夜浦漲歸天塹闊春  
風洒入御溝平軒車幾處歸頻濕羅綺何人去欲生疑不  
及流他荷葉上似珠無數轉分明

雨

張蠩

半夜西亭雨離人獨啓關桑麻荒舊國雷電照前山細滴  
高槐底繁聲壘漏間唯應孤鏡裏明月長愁顏

春雨

羅鄴

校諸原州詩末

廉風颯颯洒皇州能滯春寒阻勝遊半夜五侯池館裏美人驚起爲花愁

喜雨

從駕喜雨

庾肩吾

西嶽浮罇桂東皇事溢類聚作浴蘭赦詔還京師類聚作兆歸神出

灌壇濕風含酒氣陰雲助麥寒典農欣受職治粟喜當官

復此隨車雨民人類聚作天知可安

喜雨

魏收

霞暉染刻棟礎潤上雕楹神山千葉照仙草百花榮瀉溜

高齋響添池曲岸平滴下如珠落波廻類壁成氣調登萬

里年和欣百靈定知丹旣出何須銅雀鳴

和李司錄喜雨

庾信見類聚節文

純陽實久亢雲漢乃昭廻臨河沉璧玉夾道畫龍媒離光

初繞電震氣始乘雷海童還碣石神女向陽臺雲逐魚鱗

起渠隨龍骨開崩沙雜水去卧樹擁槎來嘉禾雙合穎熟

稻再含胎屬此欣膏露逢君摘揆才愧之疑作瓊將玖無

酬美且偲

晚秋喜雨

并序

李嶠一本有此篇

咸亨元年自四月不雨至于秋九月主畿之內嘉穀不滋

君子小人惶惶如也天子慮深求瘼念在責躬避寢損膳

錄寬弛役牲幣之禮遍於神祇鍾庾之貸周於窮乏至誠

斯盛疑作感靈睭有融爰降甘澤太極疑作極炎亢朝廷公卿

相趨動色里，閑昨度謳吟。成響年和俗，阜於焉可致。撫事形言孰云能，已乃詩曰。

積陽纏首夏，隆旱屆徂秋。炎威振皇服，歆景暴神州。氣滌朝川朗，光澄夕照浮。草木委林甸，禾黍悴原疇。國懼流金，青人深懸磬。憂紫宸，競履薄丹辰。念惟疑作溝望肅壇場，祀寃申囹圄。囚御車遷玉殿，薦菲撤瓊羞。濟窘邦儲發蠲，窮井賦優服。閑雲驥屏冗，術士龍脩睿。感通三極天，誠貫六幽夏。祈良未擬商禱，詎為儔穴蟻。禎符應山蛇，毒影收騰雲。八際蒲飛雨，四溟周聚藹。籠仙闕，連霏繞畫樓。早疑作仍積水，涸沼更通流。晚穗萎還結，寒苗瘁復抽。九農歡歲阜，萬寓慶時休。野洽如坻詠，途喧擊壤謳。幸聞東李疑作道

疑作早

欣奉北場遊

西山祈雨

是日輒應因賦詩言事

張九齡

見文粹

茲山蘊靈異，走望良有歸。丘禱亦一作已，久昨心難重。違明申藻薦，先夕旅晶嶽。獨宿雲峯下，蕭條人吏稀。我來不外適，幽抱自中微。靜入風泉奏，涼生松栝圍。窮年滯遠想，寸晷閱清輝。虛美悵無屬，素情緘所依。遭一作隨嬾弱操，羈束謝貞肥。義濟亦吾道，誠存為物祈。靈心歛以應，甘露幸而飛。閉閣且無責，隨車安敢希。多慙德不感知，復是耶非。

題皆大字直下

和崔尚書喜雨

前人

一本有此篇

積陽雖有悔集作經月未為災。上念人天重，先祈雲漢回。

仁心及草木號令起風雷照爛陰霞上交紛瑞雨來三農  
被集作黍稷四遠集作屏氛埃池溜因添蒲林芳為洒開  
聽中聲滴瀝望處影徘徊惠澤成豐歲昌言發上才無論  
驗石鼓不是御雲臺直煩皇恩浹崇朝遍九垓

喜雨

杜甫

南國早無雨今朝江出雲入空纔漠漠洒迥已紛紛巢燕  
高飛盡林花潤色分晚來聲不絕應是集作夜深聞

同薛員外喜雨詩兼上楊使君 釋皎然

積旱思飛洒蒸民喜亦傾刈雲不待族雨色飛江城焦稼  
濯又發敗荷滋更榮時隨霧縠重集作柳絲輕一宿恐魚  
飛數朝微鶴集作鳴毒暑澄為冷高塵滌還清乃知陰隲

數制在理化情及此接歡賀臨風聞頌聲

喜雨

白居易

西北油然雲勢濃湏臾霧沛雨飄空頓蘇萬物焦枯意定  
看秋郊稼穡豐

賀雨

前人 一本有此篇

皇帝嗣寶歷元和三年冬自冬及春暮不雨旱熯熯上心  
念下民懼歲成災凶遂下罪已詔殷勤告萬邦帝曰予一  
人繼天承祖宗憂勤不遑寧夙夜心冲冲元年誅劉闢一  
舉清巴邛二年戮李錡不戰安江東顧惟眇眇德遠有巍  
巍功或者大一作降沴無乃傲予躬上思答天戒下思致  
時讎莫如率其身慈和與儉恭乃命罷進獻乃命賑饑窮

宥死降五刑已責二字出左傳文粹作責已非寬三農宮女出宣徽廐

馬減飛龍庶政無不舉皆出自宸衷奔騰道路人偃僕田

野翁歡呼相告報感泣涕沾宵順人人心悅先天天意從

詔下纔七日和氣生冲融凝為悠悠一作油雲散作習習風

晝夜三日雨淒淒復濛濛萬心春熙熙百穀秋芄芃人變

愁為喜歲易儉為豐乃知王者心憂樂與眾同皇天與后

土所感無不通冠珮何鏘鏘將相及王公蹈舞呼萬歲列

賀朝廷明廷中小臣誠愚陋職忝金鑾宮稽首再三拜一言獻

天聰君以明為聖臣以貞為忠敢賀有其始亦願有其終

對雨

對雨

梁朱超

當夏苦炎埃習靜對花臺落照依山盡浮涼帶雨來重雲

出類聚飛電高棟響行雷洒樹輕花發滴沼細萍開汎冰

縈堦草奔流起砌苔無因假輕蓋徒然想上木

對雨有懷

北齊劉逖

重輪宵犯畢行雨旦浮空細落疑寒露類聚斜飛覺帶風

濕槐仍足綠沾蓮類聚更上紅無由似玄豹縱意坐山中

閑居對雨

陳陰鏗

四冥一作冥飛早一作旦雨三徑絕來遊震位雷聲發離宮電

影浮山雲遙似帶庭芥一作葉近成舟茅簷下亂滴石竇引

激流寄言一高士如何麥不收一作皆藝文類聚

單子川對雨

蘇味道見集本



飛雨欲迎旬浮井已送春還從濯枝後來應洗兵辰氣合  
龍祠外聲過鯨海濱伐刑知有屬已見靜邊塵

對雨

李白

集無此詩

卷簾聊舉目露濕草綿綿古岫披雲毳空庭織碎煙水紅

疑作愁不起風線重難牽盡日扶犁叟往來江樹前

和段學士南亭春日對雨

喻鳧

晨飛晚未休蘭閣客吟愁蕭颯柳邊桂縈紆花底流聲繁

乍雜集疑籟酒急不成漚經夕江湖思煙波一釣舟雜集疑

春暮對雨

劉得仁

春暮雨微微翻疑墜葉時氣蒙楊柳重寒勒牡丹遲未夕

鳥先宿然疑晴人有期何當廓陰閉新暑竹風吹

精舍對雨

戴叔倫

空門寂寂澹吾身谿雨微微洗客塵卧向白雲晴未盡任

他黃鳥醉芳春

對雨愁悶寄錢大郎中

劉灣

積雨細紛紛饑寒命不分攬衣愁見肘窺鏡覓從

讀如從理入口

從之文九陌成泥海千山盡濕雲龍鍾驅欵段到處倍思君

盧氏池上對雨

溫廷筠

簾翻涼氣集溪上潤殘碁萍皺風來後荷喧雨到時寂寥

閑望久飄洒獨歸遲無限松江恨煩君解釣絲

春初對暮雨

前人一本有此篇

浙瀝生叢篠空疑濛法網軒暝姿看遠樹春意入塵根點

細飄風急聲輕入夜繁雀喧爭樅樹人靜出蔬園瓦濕光  
先起房深影易昏不應江上草相與滯王孫

夏日對雨

裴度

登樓逃盛夏萬象正埃塵對面雷噴樹當街雨趁人簷踈  
蛛網重池濕鷺泥新吟罷清風起荷香蒲四鄰

苦雨

苦雨寄房休

集作昆季

高適

獨坐見多雨况兹兼索居茫茫十月交集作却非窮陰千里餘  
彌望無端倪北風繫林菸白月集作眇難見集作黃雲爭

卷舒安集作馬

得造化功曠然一掃除滴瀝簷宇愁寂寥談

笑踈泥塗擁城郭水潦盤丘墟惆悵憫田農徘徊傷里閭

曾是力耕稅曷云無斗儲萬事切中懷十年思上書君門

嗟緬邈身計念居諸沉吟顧草茅鬱快任盈虛黃鶴集作

不可羨鳴雞時起予故人平臺側高館臨東渠兄弟方苟

陳才華貫集作冠

應徐彈琴集作

自多暇飲酒復集作更

何如知人

想林宗直道慙史魚推集作

手風流在開襟鄙恹祛寧能

訪窮巷相與對家一作嘉

集作園蔬

在滁苦雨歸桃花崦傷親友略盡

顧况

廢氣忝殘生後來亦先天詩人感風雨長夜何時曉去國

官情無近鄉歸夢少庇身絕中授甘靜忘外擾麗景變重

陰洞山空木表靈潮若可通寄謝西飛鳥

苦雨

前人一本有此篇

朝與佳人期碧樹生紅萼暮與佳人期飛雨洒清閣佳人  
宵何許中夜心寂寞試憶花正開復驚葉初落行騎飛泉  
鹿卧聽雙海鶴嘉願有所從安得處其薄

南海苦雨寄贈王四侍御

楊衡

炎風雜海氣暑雨每成霖塗泥親杖屨苔蘚漬衣襟念近  
劇懷遠涉淺定知深暗溝夜滴滴荒庭晝靈靈折簡展離  
曠理逕俟招尋處陰誠多慘况乃觸隅禽

此詩二百五十七卷重出今已削去

雨中寄張博士籍侯主簿喜

韓愈

放朝還不報夜半

一作半路

蹋泥歸雨慣曾無節雷頻自失威

見墻生菌徧憂麥作蛾飛歲晚偏蕭索誰當救晉饑

此詩二百五十七卷重出今已削去注異同爲一作

苦雨行

劉禹錫

悠悠飛走情同樂在陽和歲中三百日常苦風雨多天人  
信遐遠時節易蹉跎洞房有明燭無乃酣且歌

和韓侍郎苦雨

白居易

潤氣凝柱礎繁聲注瓦溝閭流窓不曉涼引簟先秋葉濕  
蠶應病泥稀鷺亦愁仍聞放朝夜誤出到街頭

酬王

集作任

疇協律夏中苦雨見寄

姚合

一本有  
此篇

銀漢波瀾溢經旬雨不

一作未

休細聽宜隔牖遠望憶高樓

風急飄還斷雲低落更稠走童驚掣電饑鳥啄浮漚絲網  
張空際珠繩落瓦溝青蛙多入戶潢潦欲勝舟雷怒疑山

破池渾似土流灰人漫襍馱水馬恣沉浮廣陌應翻浪貧

家集作居貧恐作湫陽精藏不耀陰氣盛難收遠色重林暮繁

聲四壁愁集本無此四句望晴思見日防冷欲披裘枕膩集作潤眠

還嬾車羸出轉憂琴書涼簟靜燈燭夜窓幽樹暗蟬吟咽

巢傾鷺語愁薄煙凝竈額荒草覆墻頭天上那能問龍邊

本不求集作豈易求此兩句仍在幽字韻下下床先杖一作仗履波井抵本集

飄恐甌遠思成涯淡佳期念阻脩集作酒思妻方罷詩情耿始抽此二句仍在頭字韻

下設勤集作勞君寄新什清韻益難酬集作終日不能酬

苦雨

許渾

江昏山半晴集作山昏南阻絕人行葭菼連雲色杉松共

雨聲早秋仍燕舞深夜更鼉鳴為報迷津客訛言未可輕

雜題雨

賦得入階雨

梁簡文帝

細雨階前入洒砌復沾帷漬花枝覺重濕鳥羽類聚作翻飛遲

儻今斜日照併欲似蓬類聚作遊絲

和太子春林晚雨

梁劉孝威

雲樹交為密雨日共成虹雷舒長男氣枝搖少女風葉珠

垂滴水檐繩下溜空蝶濡飛不颺花沾色更紅朋離信養

德能事畢春宮誰堪偶鳳吹唯有浮丘公

行還值雨又為清道所駐

前人

齊楚盤石貴韓吳異姓王俱來早朝罷相隨出建章喧呼

驚里閉呌咷駭康莊阜騶同隼擊青縻細縻以盛印似鷹揚掖

門南北遠復道東西長幡旗爭絡繹官騎鬱相望微風生  
祭傳輕雨潤帷裳油衣紛競道小蓋列成行八舍便繁密  
五營輿服光迴車避司隸俄側也軒揖內即况余白屋士自  
依卑路傍日月雖臨照不陋難明敷早榮羞日及晚知慙  
豫章徒抱凌雲意終愧摩天翔安能久淪辱圖南會有方

望雨

前人

清陰蕩暄濁飛雨入堦廊瞻空亂無緒望霽耿成行交枝  
含曉潤雜葉帶新光浮芥離還聚沿漚滅復張浴禽飄落  
毳風苻散餘香瓊綃疑掛綃幕象簞列華床侍童拂羽扇  
厨人奉盥漿初學記類聚並無此四句詳此詩象簞列華床乃夏日雨也按內則有漿有盥注盥涼也  
寄言楚臺客雄風詎獨涼

擬雨

梁虞騫見類聚

清風送涼氣薄暮蕩炎氛虹照漣漪水電出嵯峩雲落暉  
散長足細雨織斜文

秋雨卧疾

劉孝綽

賈君徭役少潘生民務稀及此同多暇高卧掩重闌寂寞  
桑榆集作榆葉晚滂沱暄不晞電隙時光帳風簾乍扣扉集作如飛

望夕雨

劉苞同前

崇朝遘行雨薄晚屯密雲綠階起素沫竟水散圓文河柳  
低未舉山桃落已芬清罇久不薦淹留遂待君

雨從箕山來

宋之問

雨從箕山來條集作條與飄風度精明西風集作峯日綵縹南

溪樹此時客精廬幸蒙真僧顧深入清淨理妙斷往來趣  
意得兩契如言盡共忘喻觀花寂不動聞鳥懸可晤向夕  
聞天香留戀不能去

春夜雨

杜甫

好雨知時節當春及集作乃發生隨風潛入夜潤物細無聲  
野徑雲俱黑江舡火獨明曉看紅濕處花重錦官城

朝雨

前人

涼風曉蕭蕭江雲亂眼飄風鴛藏近渚雨燕集深條黃綺  
終辭漠集作巢由不見堯草堂樽酒在幸得過清朝

雨

前人

萬木雲深隱連山雨未開風扇掩不定水鳥去集作過仍迴

蛟鼉如鳴杼樵舟豈伐枚清涼破炎毒衰意欲登臺

黃梅雨

前人一本有此篇

南京西集作岸浦市集作道四月熟黃梅湛湛長江去溟溟細

雨來茆茨踈易濕雲霧密難開竟日蛟龍喜盤渦與岸迴

雨不絕

前人一本有此篇

鳴雨既過小雨微集作漸映空搖颺如絲飛塔前短草泥

不亂院裏長條風乍稀舞石旋應將孔子行雲莫自濕仙

衣眼前江舸何忽促不得集作未得安流逆浪歸

江山阻風雨

岑參

江上風欲來泊舟未能發氣昏雨已過突兀山復出積浪  
成高丘盤渦為嵌窟雲低岸花掩水漲灘草沒老樹蛇退

皮崩崖龍退骨平生抱忠信灘險殊可忽

詠浮漚為辛明府作

鄭縉

行潦散輕漚清規晚一作未收雨來波際合風起浪中浮

晶晃明苔砌參差繞芥舟影疑星泛曉光似露涵一作秋

皎皎珠同淨漂漂梗共流潔容無變染圓知有謙柔欲作

微涓效先從淡水遊

此詩一百六十四卷重出今已削去注異同為一作

酬劉員外雨中見寄

錢起

苦雨滴蘭砌淒風生葛衣潢污三逕絕礎杵四隣稀分與  
玄豹隱不為湘鷺飛慙君角巾折猶肯問衡闈

陸勝一作瑛宅秋暮雨中賦韻一作探張南史見閩

同人未日自相將深竹閑園偶辟強已被秋風教憶鱸魚

聞寒雨勸飛觴歸心莫問三江水旅服從沾露九月霜醉裏

欲尋騎馬路蕭條幾處有垂楊

此詩二百十五卷重出今已削去

酬苗員外仲夏歸郊居遇雨見寄 盧綸

雷響風仍急人歸鳥亦還亂雲方至水驟雨已喧山田鼠

依林上池魚戲草間因茲集作高屏埃霧一詠一開顏

夜雨見投 司空曙

出戶繁星盡池塘暗不開動衣涼氣度遞樹遠聲來燈外

初行電城隅忽隱雷因知謝文學曉望北塵埃

酬韓祭酒雨中見寄 張籍

一作晶

雨中愁不出陰黑盡連霄屋濕惟添漏泥深未放朝無芻  
伶馬瘦少食信兒嬌聞道韓夫子還同此寂寥

知李僕射雨中寄盧嚴二給事 前人

郊原飛雨至城闕濕雲埋逆點時穿牖浮漚欲上堦偏滋  
解擗竹併洒落花槐晚潤生琴匣新涼蒲藥齋從容朝務  
退一作後放曠披曹乖一作儻盡日無來客閑吟感此懷

奉和門下相公雨中寄裴給事 姚合

曉起閑看雨垂簷自滴堦風清想林壑雲濕似江淮石信  
浮漚重泥從積蘚埋氣消濃酒力心助獨吟懷颺颺通琴  
韻蕭蕭靜竹齋絲毫無限思念與夕郎乖

江上雨寄崔碣 杜牧

春半平江雨圓文破蜀羅聲眠蓬底客寒濕釣來蓑暗澹  
遮山遠空濛著柳多此時懷一恨相望意如何

此詩二百一十六卷重出今已削去

夜雨 前人

九月三十日雨聲如初秋無端蒲階葉共白幾人頭點滴  
侵寒夢蕭騷著淡愁漁歌聽不唱蓑濕棹迴舟

大雨行 前人 一本有此篇

東垠黑風駕海水海底卷上天中央三吳六月忽悽慘晚  
後點滴來滄茫錚棧雷車軸轍壯矯躍集作蛟龍爪尾長

神鞭鬼馭載陰帝來往噴灑何顛狂四面崩騰玉京仗萬  
里縱橫集作羽林槍雲纏風束勢集作歊礧黃帝未勝崑



尤強百川氣勢苦豪俊坤關密鎖愁開張太和六年亦如此我時氣壯神洋洋東樓聳首看不足恨無羽翼高飛翔盡召邑中豪健者闔展朱盤開酒場奔觥槌鼓助聲勢眼底不顧纖腰娘今來集作鬪茸鬢已白竒遊壯觀唯深藏景物不盡人自老誰知前事堪悲傷

雨夜贈元十八

白居易

早濕沙頭它連陰雨夜天共聽簷溜滴心事兩悠然把酒循環飲移床曲尺眠莫言非故舊相識已三年

秋雨夜眠

前人

涼冷三秋夜安閑一老翁卧遲燈滅後睡美雨聲中灰宿温瓶火香添煖被籠曉晴寒未起霜葉蒲塔紅

雨夜寄馬戴

賈島見集本

芳林杏花樹花落子西東今夕曲江雨寒催朔北風鄉書滄海絕隱路翠微通寂寂相思際紅缸殘漏中

蜀中春雨

鄭谷

海棠風外獨霑巾襟袖無端惹蜀塵和暖又逢挑菜日寂寞未是探花人不嫌蟻酒衝愁肺却憶漁蓑覆病身何事晚來微雨後錦江春學曲江一作春也非

荆渚八月十五日夜值雨寄同年李嶼 前人

共待清光集作夜翻成暗淡秋正宜清路望潛起滴塔愁

棹倚袁公集作渚簾垂庾亮樓桂無香實落蘭有露花休

玉漏添蕭索金樽阻獻酬明年佳景在相約向神州

此卷校正一百四十字 三月二十四日

文苑英華卷第一百五十三

文苑英華卷第一百五十四

詩四

天部四

詠雪三十三首

對雪十七首

喜雪七首

詠雪

同劉諮議詠春雪

梁簡文帝

晚霞飛銀礫浮雲暗未開入池消不積因風墮類聚復來作隨

思婦流黃素張載四愁詩何温姬玉鏡臺看花言可挿類聚

作定自非春梅

雪朝

同前

同雲凝暮序嚴陰屯廣隰落梅飛四注翻窈舞三襲實斷

望如連恒分似相及已觀池影亂復視簾珠濕

和謝朓花雪

任昉

土膏候年動積類聚雪表辰暮散蘼似浮玉飛英若物素

東序皆白珩西雍盡翔鷺山經陋密榮騷人貶瓊樹

花雪

庾肩吾

瑞雪墜堯年因風入綺錢飛花洒庭樹凝瑛結井泉寒光

晦八極同雲暗九天已飄黃石類聚路還類聚慶白渠田

詠雪

吳均

微風過初學記庭樹細雪下簾隙縈空如霧轉凝階似花

積不見楊柳春徒看桂枝白零淚無人道相思空何益

同前

前人

雪逐春風來過集巫山野瀾漫雖可愛翻揚詎堪把問君

何所思一作思昔一作同心者坐須風雪霽相期洛城下

此詩一百五十六卷重出今已削去注異同為一作

同前

裴子野

飄飄千里雪倏忽度龍沙從雲合且散因風捲復斜拂草

如連蝶落樹似飛花若贈離居者折折以代理華

同前

何遜

凝階夜似月拂樹曉疑春蕭散忽如盡徘徊已復新暫蔽

卷紈質無漸施粉人此二句以若逐微風起誰言非玉塵

同前

徐陵

瓊林玄圃葉桂樹日南華豈若天庭瑞輕雪帶風斜三農

喜盈尺六出舞崇華明朝闕門外應見海神車

雪 良書類時作 董思恭

天山飛雪度言是落花朝惜哉不我與蕭索從風飄鮮潔

凌紈素紛糝下枝條良書類聚作 竟何在坐見容花銷

同前 駱賓王

龍雲玉葉上鶴雪瑞華集作 新影亂銅鳥吹光銷玉馬津

含輝朗集作 素篆隱迹奉集作 祥輪幽蘭不可儷徒自繞

陽春

同前 李嶠

瑞雪驚千里從風下一作同 九霄地疑明月夜一作龍沙

山似白雲朝一作玉馬 逐舞花光動臨歌扇影飄大周天

關路今日海神朝

同前 王烈

雪飛當夢蝶風度幾驚人半夜一牕曉平明千樹春花園

應失路白屋忽為隣散入仙厨裏還知雲母塵

同前 一字至 張南史

雪雪花片玉屑陰風凝暮節高嶺虛晶平原廣潔初從雪

集作 外飄還向空中噎千門萬戶皆靜默炭皮裘自熱此

時雙舞洛陽人誰悟郢中歌斷絕

雪中作 韋應物

空堂歲已晏密室獨成集作 眠壓條集作 夜偏積覆閣曉

愈逾集作 妍連山暗古郡驚風散一川此時騎馬出忽憶集

省京華年

雪夜下朝呈省中一絕

前人

南望青山滿禁闈  
曉陪鴛鴦正差池  
共愛來朝何處雪  
蓬萊宮裏拂松枝

春雪

前人 一本有此篇

春雪滿空來觸處  
是花開不知園裏樹  
若箇是真梅

雪二首

司空曙

樂遊春苑望鵝毛  
宮殿如星樹似毫  
漫漫一川橫渭水  
太陽初出五陵高

二

王屋南崖見洛城  
石龕松寺上方平  
半山榭葉當牕下

夜會聞雪打聲

春雪

韓愈

觀雪乘清旦無人坐  
獨謠拂花輕尚起  
落地暖初消已訝  
凌歌扇還來伴舞腰  
洒篁留密節着柳送長條  
入鏡鸞窺沼行天馬度橋  
偏堦憐可掬滿樹戲成搖  
江浪迎濤日風毛縱獵朝  
弄閑時細轉爭急忽驚飄  
城險疑懸布砧寒未擣  
綃莫愁陰景促夜色自相饒

詠雪贈張籍

前人

祗見縱橫落寧知遠近來  
飄颻還自弄歷亂竟誰催  
座暖消那惟池清失可猜  
坳中初蓋底垤處遂成堆  
慢有先居後輕多去却回  
度前鋪瓦墼奔發積墻隈  
穿細時雙透乘

危忽半摧舞深逢坎井集早值層基礎練終宜擣階紈未  
暇裁城寒粧睥睨樹凍裂莓苔片片勻如剪紛紛碎若接  
定非燁鵠鷺真是屑瓊瑰綿繡觀朝萼冥茫囑曉埃當惚  
恒凜凜出戶即皚皚潤野榮芝菌傾都委貨財娥嬉華蕩  
漾肯怒浪崔嵬磧迥宜集作疑浮地雲平想輾雷隨車番縞  
帶逐馬散銀盃萬物漫汗合千株照耀開松篁遭挫抑糞  
壤獲饒培隔絕門庭遂擠排階級纔豈堪裨獄鎮強欲効  
鹽梅隱匿暇疵盡包羅委瑣該誤雞宵呢啞驚雀暗徘徊  
浩浩過三暮悠悠匝九垓鯨鯢陸死骨玉石火炎灰厚慮  
填滇壑高愁擻斗魁日輪埋欲側坤軸壓將頽堰似長蛇  
擾陵猶巨象脰水官夸傑黠木氣怯胚胎着地無由卷連  
天不易推龍魚冷蟄苦虎豹餓號哀巧借奢豪便專繩困  
約災威貪凌布被光肯離金壘賞玩捐他事歌謠放我才  
狂教詩碑硯興與酒陪鯁惟子誰集作能諳耳諸人得語哉  
助留風作黨勸坐火為媒雕刻文刀利搜求智網恢莫煩  
相屬和傳示及提孩

春雪

前人一本有此篇

片片驅為急紛紛逐吹斜到江還作水着樹漸成花越喜  
非排瘴胡愁原一作厚蓋沙兼雲封洞口助月照天涯  
暝見迷巢鳥朝逢失轍車呈豐盡相賀寧止力耕家

同前

前人一本有此篇

新年都未有芳華二月初驚見草芽白雪却嫌春色晚故

穿庭樹作飛花

雪夜對酒招客

白居易

帳小青氈暖杯香綠蟻新醉憐今夜雪歡憶去年人暗落  
燈花燼閑生草座塵殷勤報絃管明日有佳賓

江州雪

前人一本有此篇

新雪蒲前山初晴好天氣日西騎馬出忽有京都意城柳  
方綴花簷冰纔結穗湏臾風日暖處處皆飄墜行吟賞未  
足坐歎銷何易猶勝嶺南看霧霧不到地

小雪

釋無可

片片下玲瓏飛揚玉露中漏終乍微全蒲地漸密更無風集物  
圓方別連雲遠近同作膏凝瘠土呈瑞下深宮透漏推

隙紛紛失藥叢飄秦增舊嶺發漢攪長空迴冒巢松鶴孤

鳴穴鳥蟲過三知臘盡盈尺賀長集作年豐委積休聞竹稀

踈漸見鴻蓋沙資澶漫洒海助冲融草木潛加潤山河更

益雄因知天地力覆育有全功

雪

許渾

松亞竹珊珊心知萬井歡山明迷舊逕溪蒲漲新瀾客醉  
瑤臺曙兵防玉塞寒紅樓知有酒誰肯學袁安

和賓客相國詠詩

前人集無此詩

近瞻千巖白迎春四氣催雲陰連海起風急度山來盡日

隨堤絮經冬越嶺梅艷疑歌麴散輕似舞時迴道蘊詩傳

麗相如賦騁才霽添松篠媚寒積蕙蘭猜暗漲宮池水平

封輦路埃燭龍初照耀巢鶴乍徘徊簷日瓊先挂墻風粉  
旋摧五門環玉壘雙闕對瑤臺綺席陵寒坐珠簾遠曙開  
靈芝霜下秀仙桂月中栽卷幌書千帙援琴酒百盃垂休  
編太史呈瑞表中台皓夜迷三徑浮光徹九垓茲辰是豐  
歲歌詠屬良哉

雪夜與友人同宿曉寄近隣

温庭筠

閉門群動息積雪透疎林有客寒方覺無聲曉已深正繁  
聞近鴈併落起棲禽寂寞寒塘路憐君獨阻尋

集作履跡  
行當蒲依

依欲  
阻尋

此詩二百一十七卷及二百六十一卷重出今已削去

雪二首

温庭筠

硯水池先凍牕風酒易銷雅即鴉聲出山麝人跡過村橋

稍急方縈轉才深未寂寥細光穿暗隙輕白駐寒條草靜

封還新疑松歌墮復搖謝莊今病眼無意坐通宵

二

羸驂出更慵林寺已踈鍾踏緊寒聲澁飛交細點重圍斜  
人過跡階靜鳥行蹤寂寥梁鴻病誰人代夜春

同前

李洞

迢迢來極塞連闕謂疑風吹禪客呵金錫征人擘凍旗細  
填蟲穴蒲重壓鶴巢歌有影晴飄野無聲夜落池正繁秦  
甸暖漸厚楚宮饑凍把分泉澁光凝二閣癡踏遺蘭署跡  
聽起石門思用表豐年瑞無令掃玉墀



同前

羅隱

細玉羅紋下碧霄杜門顏集作傾巷落偏饒巢居只恐高柯

折旅客愁聞去路遙極凍野蔬和粉重掃庭松葉帶蘇燒

寒牕呵筆尋詩句一片飛來紙上銷

對雪

對雪

劉孝綽見初學記

桂華殊皎皎柳絮亦霏霏詎比咸池曲飄飄千里飛耻均

班女扇羞儷曹人衣浮光亂粉壁積照朗彤闈此下集有全篇今並

明鈔本全篇錄於卷末今就此校補

錄于此鶴鳴搖羽至鴨鴨拂翅歸相彼猶有得嗟余獨有遺終翻守玉署方夜勞金扉未能奏細快何由辨國闈坐銷風霧質游臨珠壁暉偶懷笨卓是良知高蓋非奇言謝端本無為陳巧機此篇英華及初學記止收前句集有全篇並錄于此

洛濱對雪憶二兄弟

駱賓王

旅思眇難裁衝飈憤集作恨易哀曠望洛川晚飄飄瑞雪來

積彩明書帳流韻響集作繞琴臺色奪迎仙羽花遍集作避犯

霜集作雪靈梅謝庭賞方逸袁扉掩未開高人儻有訪興盡詎

須迴

立春日晨起對積雪

張九齡

忽對林庭雪瑤花處處開今年迎氣始昨夜伴春迴玉潤

牕前竹花繁院裏梅東郊齋祭所應見五神來

冬晚對雪憶胡麴士

王邵

寒更傳唱晚清鏡覽衰顏隔牖風驚竹開簾雪滿山洒空

深巷靜積素廣庭閑借問袁安舍翛然尚閉關

和張丞相春朝對雪

孟浩然

迎氣當春至集作立承恩喜雪來潤從河漢下集作落花逼艷

陽開不覩豐年瑞集作安焉知燮理才散塩如可擬願糝和

羨梅

省中對雪寄判官拾遺昆季集作寄謝舍人昆季錢起

萬點瑤臺雪飛來錦帳前瓊枝應比淨鶴髮敢爭先散影

成華月流光透竹煙今朝謝家興幾處郢歌傳

淮海對雪贈傳霑 李白

朔雪落吳天從風渡溟渤海樹成陽春江山集作沙皓明月

興從剡溪起思繞梁山發寄君郢中歌曲罷心斷絕

對雪 杜甫

北雪犯長沙胡雲冷萬家隨風且開集作問葉帶雨不成花

金錯囊徒罄銀壺酒易賒無人竭浮蟻有待至昏鴉何遜詩云

城陰瘦塹黑昏鴉接翅歸

同前 前人一本有此篇

戰國多新鬼愁吟獨老翁亂雲低薄暮急雪舞迴風飄棄

罇無綠爐存火似紅數州消息斷愁坐正書空

對雪贈徐秀才 韋應物

霏霏寒欲收靄靄陰還結晨起望南端千林散春雪妍光

屬瑤階亂緒陵新節無為掩扉卧獨守素生轍

滁州對雪 前人此篇

晨起滿帳集作闌雪憶在集作朝閭闔時玉坐分曙早金爐上

煙遲飄散雲臺下陵亂桂樹姿厠跡鴛鷺末蹈舞豐年期

文苑英華

今朝獲山郡寂寞復何爲

對雪

許渾

飛舞北風涼玉人歌玉堂  
簾帷增曙色珠翠發寒光  
柳重絮微濕梅繁花未香  
茲辰賀豐歲簫鼓宴梁王

和段學士對雪

喻亮

盈尺知豐歲開牖對酒壺  
飄當大野匝洒到急流無  
密際西風盡凝間朔氣扶  
乾摧鳥栖枿冷射夜殘爐  
替月澄斜漢兼沙攪北湖  
慙於郢客坐一此調巴歛

對雪二首

李商隱

寒集作爽氣先浸玉女扉  
清光旋透省卽闌梅花大  
庾嶺頭發柳絮章臺街裏  
飛欲舞定隨曹植馬有情  
應濕謝莊衣

龍山萬里無多遠  
出待行人二月歸

二一本有此篇

旋撲珠簾過粉牆  
輕於柳絮重於霜  
已隨江令誇瓊樹  
又入盧家妬玉堂  
侵夜可能爭桂魄  
忍寒應欲試梅粧  
關河凍合東西路  
腸斷班騅送陸郎

對雪

杜荀鶴

風攬長空寒骨生  
先於曉色報窓明  
江湖不見飛禽影  
巖谷時集作唯聞折竹聲  
溝壑本深無復滿集作巢穴幾多相似處  
路岐兼得一般平  
擁袍公子莫言冷  
中有樵夫跣足行

對雪

裴說

大片向空舞出門  
肌骨寒路岐平  
卽易溝壑滿應難  
兔穴

歸時失禽枝宿處乾豪家寧肯厭五月畫圖看

喜雪

五月集作六月

奉酬辛大夫喜潮南鴈月連日降雪見示之作

辛京果

劉長卿一本有以此篇

長沙耆舊拜旌旗喜見江潭積雪時柳絮三冬先北地梅花一夜遍南枝初開窓閣寒光滿欲掩軍城暮色遲問里何人不相慶萬家同唱郢中詞

喜雪上竇相公

陳羽

千門萬戶雪花浮點點無聲落瓦溝全似玉塵銷更積半成冰水結還流光添曙色連天遠輕逐春風繞玉樓平地已沾盈尺潤年豐須賀富人侯類詩作頌富人侯冰水類詩作水

天遠

類詩作清天苑

喜雪獻裴尚書

韓愈

宿雲寒不卷春雪墜

集作墜

如從騎巧先投隙潛光亂

集作半

入池喜深將策試驚密仰簷窺自下何曾污增高未見危

比心明可燭拂面愛還吹妬舞時飄袖欺梅併壓枝地空

迷界限砌滿接高卑浩蕩乾坤合霏微物象移為

集作驗

祥

矜大熟匝澤荷平施已分年華晚猶憐曙色隨氣嚴當酒

煖洒急聽窓知照耀臨初日玲瓏滴晚漸聚庭看岳聳掃

地

集作路

見雲披陣勢魚麗達書文鳥篆竒縱歡羅艷黠列

賀擁熊螭履弊行偏冷門扃卧更羸悲嘶聞病馬浪走信

嬌兒龜靜愁煙滅絲繁念鬢衰擬盃吟舊句投簡慕前規

捧贈同燕石多慙失所宜

西樓喜雪命宴

白居易

宿雲黃慘淡曉雪白飄颻散麵遮槐市堆花壓柳橋四郊  
鋪縞素萬室甃瓊瑤銀榼携桑落金爐上麗譙光疑舞妓  
動寒近醉人銷歌樂惟集作盈耳慚無五袴謠

春夜喜雪寄王二十二

白居易此篇

夜雪有佳趣幽人出書帷微寒生枕席輕素對集作階墀  
坐罷楚絃曲起吟班扇詩明宜滅燈集作後靜愛卷集作

簾時窓引曙色早庭消春氣遲山陰應有興不卧待微之

早過梨嶺喜雪書情呈崔判官

張起

渡嶺逢朝雪行看馬跡深輕標南國瑞寒慰北人心皎潔

停丹嶂飄颻映綠林共君歌樂土無作白頭吟

奉賀王和相公喜雪

皇甫冉

春雪偏當夜暄風却變寒庭深不復掃城曉更宜省命酒  
閑令酌披裘晚未冠連營鼓角動忽似戰桑乾

此詩二百三十三卷重出今已削去

此卷校一百五十字 三月廿四日

補錄校記四十三字

小雪片片下

集作

更無風

更集作又

透漏堆窓隙紛紜失藥叢

集作氣射重衣透  
花小隙通

覆育

集作  
覆載

文苑英華卷第一百五十四

文苑英華卷第一百五十五

詩五

天部五

詠雪雜題二十八首

晴霽三十首

詠雪雜題

玄都觀春雪

張正見

見初學記

集無此篇

同雲遙映嶺瑞雪近浮空拂鶴伊川上飄花桂苑中影麗  
重輪月飛隨團扇風還取長歌處帶曲舞春風

翫雪

王衡

寒庭浮春

初學記  
作暮

雪疑從千里來皎潔隨處滿流亂逐風

迴壁臺如始構瓊樹似新栽

初學記  
作栽

不待陽春節誰持競

落梅

文苑英華卷一百五十五

一微

望雪

唐太宗見初學記

秋雲宵遍嶺素雪晚凝華入牖千重碎迎風一半斜不粧  
空散粉無樹獨飄花縈空慚夕照破彩謝晨霞

和陳校書省中翫雪

包融

芸閣朝來雪飄飄正滿空寒開明月下校理落花中色向  
懷鉛白光因翰簡融能令草玄者迴思入流風

瑞雪篇此詩見三百三十一卷歌行門

劉庭琦

南陽北阻雪

孟浩然

我行滯宛許日夕望京豫曠野莽茫茫鄉山在何處孤煙

村際起歸鴈天邊去積雪復集作平湍集作飢鷹捉寒兔

妙集作年弄文墨屬意在章句十上恥還家徘徊守歸路

和王員外雪晴早朝

錢起

紫微晴雪帶恩光統仗偏隨鴛鴦行長信月留寧避曉宜

春花滿不飛香獨看積素凝清禁已覺輕寒讓太陽題柱

盛名兼絕唱風流誰繼漢田郎

舟中夜雪懷盧侍郎集作

杜甫一本有此篇

朔風吹桂水大雪夜紛紛暗度南樓月寒深北渚雲燭斜

初近見舟重竟無聞不識山陰路聽雞更憶君

秋浦清溪雪夜對酒客有唱山鷓鴣者 李白

披我貂襜褕對君白玉壺雪花酒上滅頓覺夜寒無客有

桂陽至能吟山鷓鴣清風動窓竹越鳥鳴集作相呼持此

足為樂何煩笙與箏 此詩一百六十六卷重出今已削去

集有此二句

終南霽色雪

祖詠

終南陰嶺秀積雪浮雲端林表明霽色城中增暮寒

竹下殘雪

丘爲一本有此篇

一點銷未盡孤明在竹陰晴光夜轉瑩寒氣曉仍深還對讀書牖且關乘興心已能依此地終不傍瑤琴

會稽郡樓望雪

張繼

江城昨夜雪如花郢客登樓望霽華大禹壇前仍聚玉西施渚上更飄紗簾櫳向晚寒風度睥睨初晴落影斜數處微明消不盡湖山清映越人家

小雪

戴叔倫類詩作釋清江

花雪隨風不厭看更多還肯失類詩作林巒愁人正在書窓

下一片飛來一片寒

還肯失類詩作還恐散

韓舍人書齋殘雪

戎昱

風卷黃雲暮雪晴江烟洗盡柳枝輕簷前數片無人掃更

得書窓一夜明

枝輕類詩作條輕

早春雪中

前人

陰雲萬里盡漫漫愁坐關心事幾般爲報春風林下雪柳條初發不禁寒

晨起登樂遊原望終南積雪

僧皎然

凌晨擁蔽辨裘閑上古原頭雪霽山疑近天高思若浮瓊峰埋積翠玉嶂掩飛流曜彩含朝日搖光奪寸眸寒空標瑞色爽氣襲皇州清眺何人得終當獨再遊



山雪

前人見文粹

夕陽在西峰疊翠縈殘雪  
狂風卷絮迴驚後攀玉折何意  
山中人悞報山花發

盧郎中拜陵遇雪蒙見召因寄 楊巨源

南宮使者有光輝欲拜諸陵瑞雪飛  
蘋葉已脩青玉薦柳花仍拂赤車衣  
應同谷口尋春去定似山陰帶月歸  
寒冷出郊由未得羨公將事看芳菲

和劉夢得終南秋雪

白居易一本有此篇

遍覽古今集都無秋雪詩陽春先唱後  
陰嶺未消時草訝霜凝重松疑鶴散遲  
清光莫獨占亦集作還對白雲司

洛中集作下雪中頻與劉李二賓客宴集因寄汴州

李尚書

前人一本有此篇

水南水北雪紛紛雪裏歡遊莫厭頻  
日日暗來唯老病年年少去是交親  
碧氈帳暖梅花濕紅燎爐香竹葉春  
今日鄒枚俱在洛梁園置酒召何人

積雪

賈島一本有此篇

昔屬時霖滯今逢臘雪多南積飄狂渚  
北訝雨交河盡滅平蕪色珍集作彌  
重古木柯空中離白氣島外下滄波  
隱者迷樵道朝人冷玉珂夕繁仍晝密  
漏間復鐘和想積高嵩頂新秋皓月過

殘雪

許渾一本有此篇

憶昨新春霰雪飛堦前簷上聞寒姿  
狂風送在竹深處隔

日未消花發時輕壓嫩蔬旁出土冷衝幽鳥別尋枝晚來  
又喜登樓見一曲高歌和者誰

敘雪寄喻亮

方干類詩作  
杜荀鶴

密片繁聲旋不類詩作  
久未銷紫風雜霰轉飄颻澄江莫蔽長

流色衰柳難粘自動條濕氣添寒類詩作  
陰森酤酒夜素花迎

曙類詩作  
晶耀卷簾朝此時明類詩作  
作行逕無行類詩作  
作人跡唯望徽之

問寂寥方于集中又有敘雪題目同而詩異今並載于此  
密片無聲急復遲紛紛又勝落花時逡巡不覺歲

莎者宛轉偏宜傍柳絲透室虛明非月照滿空迴  
微是風吹高人坐臥才方逸接筆應成六出詞

長安雪後

喻坦之一本有  
此篇

雪類落雲收盡天涯雪霽時草開當井地樹折帶巢枝野

渡滋寒麥高泉漲禁池遙分丹闕出迴對上林宜宿片攀

簷取凝花就砌窺氣陵禽翅東凍入馬蹄危北想連沙漠

南思極海涯冷光兼素彩向暮朔風吹

書齋雪後

氣歸集作  
生不能集作  
未能趙嘏一本有此篇

擁褐坐茅簷春晴喜初日微風入桃徑爽氣歸集作  
生縹帙

頻時苦風雪就景理巾櫛樹暖高鳥來窓閑曙雲出鄉遙

路難越道蹇時易失欲靜又不集作  
未能東山負芝朮

寒閑居新雪

薛能一本有此篇

大雪滿初晨開門萬象新龍鍾雞未起蕭索我何貧耀若

花前境清如物外聲細飛斑戶牖乾洒亂松筠正色凝高

嶺隨流助要津鼎消微示滓車輾半和塵茶興留詩客瓜

情想成人終篇無本字誰別勝陽春

類詩作  
人微

峩眉雪

鄭谷 一本有此篇

萬仞白雲端經春雪未殘夏消江峽滿晴照蜀樓寒造境  
知僧熟歸林認鶴難會須朝集作闕去祇有畫圖看

雪中偶題

前人 一本有此篇

亂飄僧舍茶烟濕密洒歌樓酒力微江上晚來堪盡處漁  
人披得一蓑歸

潤州甘露寺看雪上周相公

羅隱

節寒洒白亂溟濛祈禱集作功兼造化功光薄乍迷京口  
月影交初轉海門風細粘謝客衣襟集作上輕拂集作梁

王酒盞中一種為祥君看取半襪集作災沴半年豐

晴霽

開霽

梁簡文帝

景落商飈靜烟開四郊謚偃蹇暮山虹游揚下峰日水文  
城上動城樓水中出竟微共治功空臥淮陽秩

雨後

同前

散絲與山氣忽合復俄晴雷音稍入嶺電影尚連城雨餘  
雲稍薄風收熱復生

望夕霽

梁王筠

連山卷族雲長林息衆籟密樹含綠滋遙峰凝翠靄石溜  
正滾殘山泉始澄汰物華方入賞跂予心期會

喜晴

周庾信

比日思光景今朝喜暫逢雨住便生熱雲晴即作風水白

澄還淺花紅燥更濃已歡無石燕彌欲棄土龍

雨晴

隋王胄

初晴物候涼反景照山庄殘虹低飲澗新溜上侵塘風度

蟬聲遠雲開鴈

初學記作鳥

路長

初晴落景

唐太宗

晚霞聊自怡初晴彌可喜日光百花色風動千株翠池魚  
躍不同園鳥聲還異寄言博通者知余物外志

幽山雨後應令

虞世南

蕭城臨上苑黃山邇桂宮雨歇連風翠烟開竟野通排虛  
翔戲鳥跨水落長虹日下林全暗雲收嶺半空水泉鳴石  
澗地籟響岳風

雨後

李百藥

晚來風景麗晴初物色華薄雲向空盡輕虹逐望斜後窓  
臨岸竹前階枕浦沙寂寥無與晤樽酒對風花

雨晴

一作秋霽 二首

杜甫

見集本

天外

一作際

秋雲薄從

一作松

西萬里風今朝好晴景久雨不

妨農塞柳行疎翠山梨結小紅胡笳樓上發一鴈入高空

二

雨晴山不改晴罷峽如新天路看殊俗秋江思殺人有猿  
揮淚盡無犬附書頻故國愁眉外長歌欲損神

晚晴二首

前人

村晚驚風度庭幽過雨霑夕陽薰細草江色暎疎簾書亂

誰能帙孟乾可自添時聞有餘論未恠老夫潛

二

返照斜初徹集作散浮雲薄未歸江虹明近集作遠飲峽雨落

餘飛鳧鴈集作鶴終高去熊羆覺自肥秋分客尚在竹露夕

集作久微微

晴二首

前人一本有此篇

久雨巫山暗新晴錦綉文碧知湖外草紅見海東雲竟日

鷺相和摩霄鶴數群野花乾更落風處急紛紛

二

啼鳥爭引子鳴鶴不歸林下食遭多泥集作遭泥去高飛恨久

陰雨聲衝塞盡日氣射江深回首湖南客驅馳魏闕心

院中晚晴省懷

集作懷

西郭茅舍

前人一本有此篇

天際集作幕府秋風日夜清澹雲疎雨過高城葉心珠集作實

看時落階面青苔老更集作先自生復有樓臺銜暮景不勞鐘

鼓報新晴浣花溪裏花饒笑肯信吾兼吏隱名

晚晴

李白

野涼疎雨歇春色徧萋萋魚躍青池滿鶯吟綠樹低野花

粧面濕山草紐斜齊零落殘雲片風吹挂竹谿

湖中晚霽

韋建

湖廣舟自輕江天欲澄霽是時清楚望氣色猶霾曠踟躕

金霞白波上日初麗烟紅落鏡中樹木生天際杳杳涯疑

欲班濛濛雲復閉言垂星漢明又觀寰瀛勢微興從此愜

悠然不知歲試歌浪滄清遂覺乾坤細肯念客衣薄將期  
永投袂遲迴漁父問一鴈聲嘹唳

酬鴻臚裴主簿雨後北樓見贈 王昌齡

暮霞照新晴歸雲猶相逐有懷晨昏暇想見登眺目問禮  
待形檐題詩訪茅屋高樓多今古陳事滿陵谷地久微子  
封臺餘孝王築徘徊顧霄漢豁達俯川陸遠水對秋城長  
天向喬木公門何清淨列戟森已肅不歎携手稀常思着  
鞭速終當拂羽翰輕舉隨鴻鵠

喜晴

劉長卿

曉日西風轉秋天萬里明湖天一種色林鳥百般聲霽景  
浮雲滿遊絲映水輕今朝江上客凡慰幾人情

山下晚晴

崔曙

寥寥遠天淨溪路何空濛斜光照踈雨秋氣生白虹雲盡  
山色暝蕭條西北風故林歸宿處一葉下梧桐

樂遊原晴望寄中書李侍郎 錢起

爽氣朝來集作分萬里清憑高一望九秋集作愁輕不知傳說

集作鳳沼霖初霽但見集作覺堯天日轉明四野山河同集作通遠

色千家砧杵共秋聲遙指集作想青雲丞相府何時開閣對

集作引書生

泉上雨後作 元季川

風動蕩煩暑雨息佳霽初衆峰帶閑雲秋氣入我廬颯颯

鮮一作涼颼來窺臨一作窺愜所圖綠蘿長新蔓裊裊垂座隅

文苑五、卷 八十五

流水復簷下丹砂發清渠養葛爲我衣種芳爲我蔬誰能  
一作晚與畦彌漫連野蕪一作見唐  
是百家詩選

喜晴時左遷台州刺史

李敬方

到台十二旬一片雨中春林果垂楊盡山苗半夏新陽鳥

晴展翅陰鬼夜飛輪坐翼無雲物分明見北辰

春晴

任翻

楚國多春雨柴門喜晚晴幽人臨水坐好鳥隔花鳴野色

臨空闕疑作江流接海平門前到溪路今夜月分明

江城秋霽

戎昱

霽後江城風景涼豈堪登眺只堪傷遠天蟬螀收殘雨暎

水鷓鴣近夕陽萬事無成空過日十年多難未還鄉不知

何處銷茲恨轉覺愁隨夜夜長

答韋先輩春雨後見寄

劉得仁

風散五更雨鳥啼三月春軒窗透初日硯席絕纖塵箇箇

峯頭出家家樹色新憐君高且靜有句寄閑人

春日雨後作

前人

朝來微有雨天地爽無塵北闕明如畫南山碧動人車輿

終日別草樹一城新枉是吾君戚何門謁紫宸

塞路初晴

雍陶

晚虹斜日塞天昏一半山川帶雨痕新水亂侵青草路殘

煙由傍綠楊村胡人羊馬休南牧漢將旌旗在北門行子

喜聞無戰伐閑看集作遊騎獵秋原閑看集作

晚晴

李商隱

深居俯夾城，春去夏猶青。<sup>清</sup>天意憐幽草，人間重晚晴。併添  
高閣曉微注，小窓明越鳥。巢乾後歸飛，體更輕。

白石潭秋霽作

周繇

潭心烟霧破斜暉，殷殷雷聲隔翠微。<sup>岸</sup>崖蹙盤渦翻蜃窟，灘  
吹白石上漁磯。陵風解艦謳啞去，出水鷓鴣薄泊飛。秋霽  
更誰同此望，遠鐘時見一僧歸。

此卷校正一百四十八字

三月二十七日

文苑英華卷第一百五十五